

## DOMINGO 3 DO ADVENTO Ciclo A

PRIMEIRA      Is 35, 1-6a. 10  
*Virá o mesmo Deus e salvaravos*

### PROCLAMACIÓN DA PALABRA RECOLLIDA NA PROFECÍA DE ISAÍAS

¡Que se alegren o deserto e maila terra reseca,  
que brinque de ledicia a estepa e que florezca!  
¡Que, coma a lis, florezca abundantemente,  
que brinque en exultante danza!  
Concedéuselle a gloria do Líbano,  
o esplendor do Carmelo e do Xarón.  
Eles mesmos verán a gloria do Señor,  
o esplendor do noso Deus.  
Fortalecede as mans adormecidas,  
e ponde firmes os xeonllos que tremen.  
Dicídelles aos de corazón tímido:  
"Collede ánimo, non temades.  
Velaí o voso Deus.  
Chega a vinganza, a recompensa de Deus.  
Chega El mesmo, e salvaravos".  
Entón abriranse os ollos dos cegos,  
e os oídos dos xordos destapananse.  
Entón o coxo saltará coma un corzo  
e a lingua do mudo cantará xubilosa.  
e os rescatados do Señor volverán por ela,  
entrarán en Sión con xúbilo,  
felicidade eterna sobre as súas cabezas.  
Conseguirán ledicia e felicidade,  
pois o sufrimento e o pranto fuxirán.

SALMO RESP      Sal 145, 7. 8-9a. 9bc-10  
R/ (cf. Is 35, 4): *Ven, Señor, a salvarnos*  
Ou: *Aleluia.*

El garda por sempre a súa fidelidade:  
faílle xustiza aos oprimidos  
e dálles pan aos fementos.

O Señor libra os cativos,  
o Señor abre os ollos dos cegos,  
o Señor endereita os dobrados,  
o Señor ama os xustos.  
O Señor protexe os forasteiros,

Sostén os orfos e as viúvas,  
extravía os camiños dos malvados.  
Reine o Señor por sempre,  
o teu Deus, Sión, polas xeracións.

SEGUNDA        Sant 5, 7-10

*Afincade os vossos corazóns, porque está xa cerca a chegada do Señor.*

### **PROCLAMACIÓN DA PALABRA RECOLLIDA NA CARTA DE SANTIAGO**

Tede paciencia, irmáns, deica a volta do Señor. Reparade en como o labrego coa esperanza posta nos preciosos froitos da terra agarda con paciencia as augas temperás e as serodias. Tede tamén vós paciencia e collede folgos, porque o Señor axiña chegará. Non vos queixedes, irmáns, uns dos outros, para que non vos sentencien; mirade que o xuíz está xa á porta. No sufrimento e na paciencia, irmáns, seguíde o exemplo dos profetas que faláron no nome do Señor.

ALELUIA        Is 61, 1 (Cit. en Lc 4, 18):

O Espírito do Señor está sobre min:  
mandoume a evanxelizar aos pobres

### **DOMINGO 3 DO ADVENTO Ciclo A**

EVANXEO        Mt 11, 2-11

*Es ti o que ha de vir, ou agardamos a outro?*

### **PROCLAMACIÓN DO SANTO EVANXEO SEGUNDO MATEO**

Xoán, oíndo falar na cadea das obras de Cristo, mandou os seus discípulos a lle preguntar:

- Es ti o que ten que vir ou esperamos a outro?

Respondeulles Xesús:

- Ide e contádelle a Xoán o que estades oíndo e vendo: os cegos ven e os coxos andan, os leprosos fican limpos e os xordos oen, os mortos resucitan e aos pobres estáselles anunciando a Boa Nova. ¡E ditoso quen non se escandalice de min!

Non ben se foron eles, comezou Xesús a falar de Xoán á xente:

- Que fostes ver ao deserto?: unha cana abaneada polo vento?

Pois logo, que fostes ver?: un home vestido con roupas finas? Pero os que visten roupas finas están nos pazos dos reis. Pois logo, a que saístes?: a ver un profeta? Si, e abofé que moito máis ca un profeta. Este é de quen está escrito:

Olla, mando o meu mensaxeiro diante de ti, para que prepare o teu camiño.

Tede por seguro que non naceu de muller ningún meirande ca Xoán Batista, aínda que o máis pequeno no Reino dos Ceos é meirande ca el.